

「國家社會科學基金重大項目」

何建明

主編

中國地方志
佛道教文獻匯纂

人物卷

(117)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（117）



國家圖書館出版社

中國地方志佛道教文獻匯纂·人物卷
四川省 遂寧市

蓬溪縣志

清·潘之彪纂修

清康熙十一年（一六七二）刻

五十二年（一七一三）徐纘功增刻本

仙釋

晉馬蓋羅蓬溪人在龍象山石船修煉飛昇今有盤
遺蹟尚存

詳藝文

唐克幽禪師俗姓李氏其先隴西人因官入蜀家於
遂之長江縣幼玩世典有志於仕而緣在於佛因以
得疾見猛焰相逼遂發志出家求無上道應念火滅
疾亦尋愈往依成都淨衆寺無相大師金和尚師資
道合投針相契就削髮圓具無相即授以心要師亦
靈根宿植言下頓悟無相謂師汝如香象渡河深通

我願付法之最當在汝也遣往彭門白鹿山結庵而
居無相一日謂衆曰東雷鳴矣衆莫之測會村公濟
節度東川果欽師道延請歸任持遂之石佛寺說法
爲人大曆七年忽現瑞相身坐圓光中遠近花青變
成蓮萼人皆異之刺史鮮于公愛皇叔李公樸深所
信奉參叩密旨由是學徒雲集嘗曰汝等諸人勿學
凡夫三乘外厭諸相而不了知相逐相生相繼無窮
流浪生歟凡受法者須具福智二門行住坐臥皆不
離此心卽六識清淨妙周沙界故經云所見色與欲

如此先是資陽處敘禪師與其衆曰吾亦滅矣四十
 年後當有東來菩薩收吾舍利爲吾造塔開元乙亥
 歲秋入城至大曆庚午歷歲四十四而師還蜀人果
 得舍利爲營建開塔獲記一如所言建於大曆井泉
 寺師還蜀寺之西北開塔祀畢錫住淨水傍衆賴
 以濟今寺之聖水自凡三年五月師告衆曰吾於
 此方爲師久將有刺史韋康武聞知請衆詣寺請
 師久留乃許品師曰吾未嘗去但衆生緣盡耳九

建溪縣志

卷之十一

三

四八二

月十一日夜片座曰時至矣跌坐而化報齡六十餘
曆三十五歲云命其徒建塔於寺之前以葬全身會
昌中寺廢塔毀地陷成池臨建中時江取賜無有天
後年間相國瓚璽士入簡見僧於庭遣人逐之
至池所而沒因護掘其地得異骨如金色鈎鎖相連
其教謂之菩薩骨也乃復建塔藏之併興其寺而五
色園光現客中人以爲觀音化身卽於塔之側創一
室塑像莊嚴以表其事謂之聖觀音往往曉色開霽
山霧升圓爲圓而布爲五色觀者堵立自見其容

現光相中按石佛寺今名廣德作此記者朱元祐中
守普州知安岳縣事趙嗣業也

帝鐵冠不知何許人天聖間寓蓬溪赤城山縣東五
里有龍井或鹹水短少井民句氏以告常曰此一蝦
蟆作祟塞水眼耳卽爲出儀文三卷醮之其水如血
石泉曰鹹源後通後用其儀文醮井屢驗

董上仙唐小溪縣民女也神姿雅異一日紫雲垂布
於庭大樂青童引之上升父母號泣呼之復下開元
中詔迎入闕乞還未久竟仙去詔置像於上清觀志

云又於此地建唐興館今唐興觀是也入蓬溪界

李神君諱洪字廣元世司風雷雲雨之職因獲於
上帝降之蓬萊作一大蛇日久化為一龍嘆曰吾願
得一深淵潛修功行期以陰德濟民庶幾獲免上帝
之責遂翱翔於高洞環灘三窟之中歷梁唐晉漢於
乾祐三年五月初三日寅時降生於錦屏李吉先之
家焉父諱天祐吉先其字也母嚴氏神未誕之前厥
父憂侍衛數百擁一仙官入其門升其堂樂音遞奏
既悟占之下人曰必有非常之慶未幾七日而神果

佳誕是夕大光耀室鄉族怪喜年未弱冠而天姿翳
 俊陰陽歷數無不周知四時雨暘罔不先見遊宦遂
 寧府廼家於蓬萊遭時凶荒凡人民無告者竭家資
 拯之得活幾拾餘萬家此陰德之至大者也歷時變
 紛每言志則曰得一洞府以逍遙乎其中吾之所願
 也一日自占其命數語其父曰淇年止二十有五厥
 父以爲怪誕其後果如其言夫人文氏生二子曰雄
 曰豪繼以一日而逝今之高洞環灘乃其居也逮宋
 咸平初厥德升聞上帝令一朱衣小吏錄其陰德之

及人者凡十有餘日奉上帝勅曰汝之陰德在入
今拜汝爲本府掾一方水旱汝實司之至寶元二年
駕一白雲昇於靈潭之上而後父老瞶之仰之悉皆
駭汗厭復雨暘適時遐邇士庶所求必應遂紹興之
末駕雲天風朝覲上帝退會諸神於朝真閣幾日之
來者朱衣小吏俯伏進曰惟神鎮彼一方雨暘有序
功德兼隆上帝嘉乃不續俾汝佐仕籍得失之司總
鹹源增減之職公當勉以答帝眷遂頓首揖謝而還
命一吏錄士子名姓編之一籍以定其得失再驅一

吏進見於清河府君之側凡鹹源之數悉皆記之
定其增減遠邇士庶皆止知以水旱祈雨不知神德
所覆其德無不應也近歲城南趙子率一邑進士乞
靈於行祠敬有鑑潭湛碧涵秋月洞府元來別有天
之句當時笑傲不虔者凡數人故神筆未終始終之
迹有所未備今因諸生屬余錄其行事故強述其一
二如此宋乾道壬辰進士趙溥男將仕郎球次男炳
同進士李肅趙遇陳甲立石

附記

余及蓬溪土王廟所以祀李洪也相傳高祖爲神

卷之七

仙釋

三

所棲故宅舊俗七月三日達邇來祀無不響應二月三日則先期迎於邑東豐澤廟祀之又行祠數處每歲奉祀品供具袍笏之類計費千金皆盡誠敬無敢褻越兵燹之後外傷殆盡廟宇傾圮余蒞任時捐俸修葺卽斗粟分金亦無有樂助者豈神之響應於昔而不響應於今歟亦其時之盛衰爲之也若夫爲蛇爲龍駕白雲於鑑潭命諸神於朝真則事多荒唐不可盡信但祀典云爲民捍患則祀之公捐資拾萬活饑民則其神自祀而其事可以傳已故馬公一記余然而錄之而書其並畧其姓名與救荒一事且據全蜀志於名宦中載李洪事確有可據則姓氏生辰亦修也累爲故並存之以備異聞

潘之彪記

明歐氏蓬溪雙河口萬曆時人生而好靜及笄適李楚成姻後回母家住宅傍一洞修行人爭頂禮呼爲

歐菩薩縣令林公以其邪教逮至禁之白塔中絕其
飲食端坐月餘後黃太史輝遺書云僂佛何常不世
間只因修煉在深山叮嚀爲語神明宰好放真人早
出關遂釋回有彭縣邊巡撫供養之問云汝旣與李
楚爲夫婦亦曾盡夫婦之道否歐答云旣爲夫婦焉
有不盡夫婦之道邊又云色欲大道所忌何故又染
俗緣荅云前世姻緣未滿邊又扣歐云汝旣修行如
西來大意若何荅云清靜坐草蒲團牛歸欄馬歸欄
大人問我西來意水在長江月在天後林公無夢

歸

蓬民謝自然不知何時人在小溪洞修行時有一異
人來溪上洗芝見自然足着皮底鞋笑云好箇高自
然騎牛上青天不看佛祖而打你一金鞭後自然於
順慶府懷樂山行滿仙去彼處遺像見存今北門外
洗芝溪其遺蹟也

龐湛號大淵住智林寺係無際祖師法子有語錄行

龐湛號大淵住智林寺係無際祖師法子有語錄行

中國地方志佛道教文獻匯纂·人物卷
四川省 遂寧市

蓬溪縣志

清·張松孫修 謝泰宸等纂
清乾隆五十一年（一七八六）刻本

仙釋志

仙釋之教自古不廢而吾儒獨不言者明其教有所宗非惡而棄之也蓋仙可通於釋仙釋亦可通於儒何也其因果報應之說與作善降祥之旨一也蓬邑山巖靈秀潤澤盤曲昔人每多修煉於此至今香林古剎燦然猶新載籍所謂聚石爲徒擲米成珠之說信不誣也第以事設虛杳每易滋後人之疑故詳其事載其人雖得之於父老之傳聞而究之理之所無竟爲事之所有安得不悉誌之以爲好古之所借證乎